

## **Mokanda nwa Yoane nwa ntubo Yoane Maphoo ma etatele**

Bawo bεkye Yoane akoma nkanda iyato, nabo taika koma nkombo ye omw. Mokanda nwe nwa ntubo temoebane naa bamotomelaka banza. Kasi moteya maphoo maabaka malekane oka banosi ba mangomba makyekye nwango. Mangomba mayoko maikye ma imbele me mabaka male ibenga nzela ya Nwaphongo pho ya imiphe o maphoo ndengye na ndengye. Yango mena mokanda mumu mowole maphoo manene mabale:

- Ilenza banosi obokye babikye na isanga sa phele na Nwaphongo na na Nwana we Yesu Klisto. Ibika simiweninya na nzela ya lozingo la bebi.
- Ikyela bokusi pho ya isukya mateya ma boole maoto bophele pha Simo Elaa.

### **Mokanda mumu mowole maphoo mama:**

- 1 Yoane 1.1-4: Maphoo ma etatele
- 1 Yoane 1.5-2.29: Moo na enzombi
- 1 Yoane 3.1-24: Bana ba Nwaphongo na bana ba molemba
- 1 Yoane 4.1-6: Maphoo ma phele na maphoo ma boole
- 1 Yoane 4.7-21: Laakolo lozingo loute oka Nwaphongo
- 1 Yoane 5.1-21: Ianola siphe bato bomoo pha bofele

*Iloba sa bomoo*

<sup>1</sup> Yaabaka o etatele,  
yaaokaka banga,  
yaawenekye banga na miyo ma banga,  
yaalembetelaka banga  
na yaakumaka banga na mafoko  
Eli yo Iloba saalophe bomoo  
<sup>2</sup> — pho bomoo phamiweninya,  
na banga towenekye  
yango mena towo  
tombe na eyimola bomoo pha bobele na bobele,  
phaabaka oka Tata, phamba ya miweninya oka  
banga —  
<sup>3</sup> yaawenekye banga na ya okaka banga,  
toeyimole yango na bèe me,  
pho na bèe oangane na banga.  
Emba iyangana sa banga eli iyangana na Tata  
na ná Nwana we Yesu Klisto.  
<sup>4</sup> Emba toekomele babona  
pho nkyisa ya banga ibe ya phele.

*Nwaphongo ali moo*

<sup>5</sup> Kyeka simo eyaoka banga ne,  
yango ekyembe eyimola banga eye:  
Nwaphongo ali moo,  
oka ye, tewali nono nwana enzombi.  
<sup>6</sup> Bo towo obokye: Toangana ne,  
bibi totambule o enzombi,  
mena tokate  
tolombe kyela na maphoo ma phele.  
<sup>7</sup> Kasi bo totambule o moo  
boli yo mampenza moo,  
mena banga baso toangana elele yonoyo,

emba malongo ma Yesu, Nwana we, malokunyo-  
ole masumu maso.

<sup>8</sup> Bo towo obokye: Teloli na masumu,  
tomikatele banga mampenza,  
na maphoo ma phele temali onte ya banga.

<sup>9</sup> Kasi bo toyambole masumu ma banga,  
oli yo moto okokoya maphoo malakyi yo, na oli  
yo moto wa bosembo,  
alolimbisa masumu ma banga,  
amba na lokunyola na bofe pha banga bosu.

<sup>10</sup> Bo towo obokye: Teloli bato ba masumu,  
mena tomobuye moto wa boole,  
na iloba se tesili onte ya banga.

## 2

### *Klisto ali avoka wa banga*

<sup>1</sup> Bana banga,  
naekomele babona pho b'ee sakyela masumu.  
Kasi bo monomo na b'ee anikyela isumu,  
toli na avoka monomo oka Tata,  
eli Yesu Klisto, oli moto wa bosembo.

<sup>2</sup> Pho yo ali mbeka pho ya masumu ma banga.  
Teembi ba pho ya masumu maka banga na  
banga,  
kasi na pho ya ma mokyisi mobimba.

### *Kumola mobeko nwa lozingo*

<sup>3</sup> Emba na bomu, toanole obokye tomoebe:  
Bo tokumole mibeko me.

<sup>4</sup> Moto okowo obokye: «Namoefe»,  
kasi takumole mibeko me,  
ali moto wa boole,  
na maphoo maphela temali onte ye.

<sup>5</sup> Kasi moto okobanza Ilofa se,  
nde phεε, onte ye, lozingo la Nwaphongo  
lowεεε.

Na bomo, toebe obokye toangana ne.

<sup>6</sup> Moto okomitate obokye aangana na  
Nwaphongo,  
esengyesi obokye atambule yo mampenza o  
manzela matambulaka Klisto.

<sup>7</sup> Bebi na nga ba lozingo,  
mobeko moekomele nga temoli munyakune,  
kasi mobeko nwa kalakala,  
nwazwa bεε uta o etatele.

Mobeko me nwa kalakala, eli Ilofa saoka bεε.

<sup>8</sup> Nabo babona, eli mobeko munyakune  
moekomele nga

— yango eli phεε onte ye na onte ya bεε —  
pho enzombi kyemane  
na nwakolo moo moombo ngala.

<sup>9</sup> Moto okomitate obokye ali o moo,  
bibi kaine nwebi ne,  
ali o enzombi.

<sup>10</sup> Okozingye nwebi ne  
ali o moo,

tali na ná ekpele yonoyo onte ye pho ya  
imobakyitinya.

<sup>11</sup> Kasi moto okoine nwebi ne  
ali o enzombi,  
katambule onte ya enzombi  
tambe naeba biikyε yo,  
pho enzombi emozibi miyo.

*Moanosi o boo pha mokyisi na baatemεε  
Klisto*

<sup>12</sup> Bana ba nga, naekomele lango pho:

«Masumu ma b̄eε malimbisami pho ya nkombo  
ye, yo Yesu.»

13 Batata, naekomele lango pho:

«Koebe oli uta o etatele.»

Banzenga, naekomele lango pho:

«Olongyi moto moεe.»

14 Bana ba nga, naekomele lango pho:

«Koebe Tata.»

Batata, naekomele lango pho:

«Koebe oli uta o etatele.»

Banzenga, naekomele lango pho:

«Oli bakamba,

na loba sa Nwaphongo sili na b̄eε,

oli na balongyi ba moto moεe.»

15 Sazinga mokyisi naa ili o mokyisi.

Bo moto kazingye mokyisi,

lozingo la Tata teloli ne,

16 pho iso ili o mokyisi

— phowa ya nzoto,

phowa ya miyo,

na lolendo la imiambya o mbolo ya mokyisi —

teyute na Tata,

kasi kyiute na mokyisi.

17 Nzuka mokyisi njwamolekana, iyo na  
maphowa me.

Kasi moto okokyele boozingyi Nwaphongo  
amoba pho ya bobele.

18 Bana ba nga,

eli imbele sa mbomela.

Waoka baimole

obokye motemesi wa Klisto kaye.

Nzuka tata unwanwa eye, batemesi ba Klisto  
bali.

Na b̄eε toebe obokye eli imbele sa mbomela.

19 Batokolo nde oka banga,  
 kasi tebabaka ba banga.  
 Bo babaka ba banga,  
 nde baikalaka na banga.  
 Kasi esengyelakyi obokye amiweninya  
 obokye bato baso, na bo bali,  
 tebali ba banga.

20 Kasi pho ya b̄εε, wazwa mauta maeyinga  
 Bolobo,  
 na b̄εε baso koebe.

21 Sikyi ekomela  
 obokye toebe maphoo ma phele,  
 kasi obokye komaebe,  
 na obokye lowo loso loli la boole  
 teloute na maphoo ma phele.

22 Moto wa boole eli nza,  
 bo tebe moto okoangane  
 obokye Yesu tali Klisto?  
 Kyeka motemesi wa Klisto,  
 moto akoangane Tata na Nwana.

23 Moto munso okoangane Nwana  
 aanga na Tata.

Ka okoanole Nwana  
 aanosi na Tata me.

24 Pho ya b̄εε, simo eyaoka b̄εε uta o etatele  
 ebe na b̄εε.

Bo ebe na b̄εε,  
 simo eyaoka b̄εε uta o etatele,  
 na b̄εε, wamoba na Nwana na ná Tata.

25 Mena eli mbunu eya elakyela yo mampenza:  
 Bomoo pha bobele na bobele.

26 Kyeka lolukakyi nga ekomela  
 pho ya bato balukye iyekatela.

27 Phɔ ya bɛɛ, mauta maeyinga yo  
 mali na bɛɛ  
 emba tosengyesi obokye baeteya.  
 Kasi phɔ mauta mɛ maeteya o maphɔɔ masɔ,  
 — emba mauta mɛ mali ma phele  
 temambe na kata —,  
 phɔ maeteya,  
 oli nɛ.

28 Yango mɛna, bana ba nga, ba nɛ,  
 phɔ wamotokolo yo,  
 tobe na sakolo ianola  
 emba banga satonda na sɔɔ itakye nɛ,  
 imbele saamoya yo.

*Ba na bosembo, sakyela masumu*

29 Phɔ bɛɛ koebe obokye ali moto wa bosembo,  
 eba obokye moto munsɔ oli nɛ na bosembo,  
 abotama nɛ.

### 3

*Bana ba Nwaphongo*

1 Kyeka ndengye ya lozingo loikye laalophe Tata  
 ndokolo ikabo,  
 obokye tobangame bana ba Nwaphongo,  
 emba tombi nde ba bomɔ!  
 Yango mɛna mokyisi temokokyi iloeba,  
 phɔ tenwaika eba Nwaphongo.

2 Bande na nga ba lozingo,  
 tata unwanwaeye toli bana ba Nwaphongo,  
 kasi ndengye eyamoɔa banga naino teewɛnɛ.  
 Toebe obokye, wa mowɛnɛnɛ yo,  
 tomoulana nɛ,  
 phɔ tomowɛnɛ boli yo.

<sup>3</sup> Emba moto munsɔ okokyele molemo ndengye  
mena mi yo

kamibuya petɔ boli yo petɔ.

<sup>4</sup> Moto okokyele isumu

kakyele na bofe.

Phɔ isumu ali bofe.

<sup>5</sup> Kasi bɛɛ koebe obokye iyo aya phɔ ya iya  
manya masumu,

emba iyo taika kyela isumu.

<sup>6</sup> Moto musɔ owaangana ne takokyi ikula kyela  
isumu.

Moto munsɔ okokyele isumu tamowene tambe  
na moeba.

<sup>7</sup> Bana ba nga,

moto saekosa.

Moto okokyele maphɔɔ ma bosembo ali moto wa  
bosembo,

nde boli yo moto wa bosembo.

<sup>8</sup> Moto okokyele isumu ali moto wa Zabulu,

phɔ tata o etatele Zabulu ali mokyesi wa ma-  
sumu.

Kyeka ntina ya boyakakye pha Nwana wa  
Nwaphongo:

Iyaɔtɔ bitoma ba Zabulu.

<sup>9</sup> Moto munsɔ obotami na Nwaphongo

takule kyela isumu,

phɔ mumboto nwe moli onte ye,

emba takokyi ikula kyela isumu,

phɔ abotama na Nwaphongo.

<sup>10</sup> Na yango waebane bana ba Nwaphongo na  
bana ba Zabulu.

Moto munsɔ otokyele maphɔɔ ma bosembo tali  
wa Nwaphongo,

ebe na otozingye nwebi ne.



*Zinga bēbi ya Nwana wa Nwaphongo*

11 Phɔ eye eli simo eyaokaka b̄ɛɛ tata o etatele:  
Obokye tozingane onte ya banga.

12 Ya Kaina phe:

Wauta yo na moto mobe, atena ŋwana nyango  
nkyingo.

Amotenaka nkyingo phɔ ya'ye?

Bitoma b̄ɛɛ babaka bibe,  
kasi baka ŋwana nyango babaka bilaa.

13 Bēbi, b̄ɛɛ sakamwa,  
bo mokyisi moeyini.

14 Banga toebe obokye towaa tomba akwa,  
phɔ tozingye bēbi na banga.

Moto otozingye ali mowe.

15 Moto munsɔ okoine nwēbi nɛ, ali moɓomi.

Emba b̄ɛɛ koēbe obokye moɓomi wa bato na  
m̄nɔm̄ɔ tali na ɓom̄ɔɔ pha ɓɔb̄ɛɛ  
onte ye.

16 Na ndengye eye, tata lolɔ toebe lozingo lɛ  
obokye:

Iyo Yesu, ambya ɓom̄ɔɔ phe phɔ ya banga,  
na banga mɛ, tosenyesi iyambya ɓom̄ɔɔ pha  
banga phɔ ya bēbi.

17 Bo moto m̄nɔm̄ɔ ali na mbolo ya mokyisi  
mumu

emba kambe wɛnɛ nwēbi nɛ akayee,

tambi mooka ngɔngɔ,

ndengye'ye lozingo la Nwphongo lamba ɓa onte  
ye?

18 Bana ɓa nga,

banga sazinga nde na malɔɓa ma munɔko,  
kasi na bikyela na ná maphɔɔ ma pheɛ.

- 19 Na bomō tomoeba obokye toli bato bawō  
maphōō ma phele,  
na o boo phe tomouya mandondo ma banga,  
20 phō bo mandondo ma banga malooya,  
Nwaphongo alekyi mandondo ma banga na  
bonene, kambe na eba maphōō maso.  
21 Bebi na nga ba lozingo  
bo mandondo ma banga temalooya,  
tomasolola na Nwaphongo sa bolotakye.  
22 Na ekpele esō eyamoonga banga, aalophe  
yango,  
phō tokumole mibeko me  
tombe na kyela ikyi mosepelisa.  
23 Kyeka mobeko nwe:  
Ianola Nwana we Yesu Klisto  
na izingana banga na banga,  
bo walophe yo lango ndokolo mobeko.  
24 Moto okokumole mibeko me ali onte ya  
Nwaphongo, emba Nwaphongo ali onte  
ye me.  
Na bomō toebe obokye ali onte ya banga,  
na nzela ya Bolōbō phaalophe yo ndokolo ikafo.

## 4

### *Isosolo milimo na nzela ya ianola Yesu Kilisio*

- 1 Bande na nga ba lozingo,  
saanola milimo miso,  
kasi omimikye,  
pho ya iyeba bo mili ma Nwaphongo.  
Pho baimosi baikye ba bōole banyangwa o  
mokyisi.  
2 Na bobo, wamoeba Bolōbō pha Nwaphongo:

Molimo munsɔ moanole obokye Yesu Klisto aya  
na nzoto,

moli ηwa Nwaphongo.

<sup>3</sup> Emba molimo munsɔ moote moanole Yesu,  
temoli ηwa Nwaphongo,

eli molimo ηwa motemesi wa Klisto,

ηwa ooka bɛɛ bawɔ obokye moye,

emba tata unwanwa eye, moli o mokyisi.

<sup>4</sup> Bana ba nga, bɛɛ baali ba Nwaphongo,

oli balongyi ba baimosi babana,

phɔ oli onte ya bɛɛ

ali munene koleka oli onte ya mokyisi.

<sup>5</sup> Bɛ, bali ba mokyisi,

bambe na wɔ mowɔsi ηwa mokyisi,

emba mokyisi mobaokye.

<sup>6</sup> Banga, toli ba Nwaphongo.

Moto okozingye iyeba Nwaphongo, kalookye.

Moto otoli wa Nwaphongo, talokye.

Na yango toebe

Bolɔbɔ pha maphɔɔ ma phele na bolɔbɔ pha  
bɔɔle.

### *Nwaphongo ali lozingo*

<sup>7</sup> Bande na nga ba lozingo,

tozingane banga na banga,

phɔ lozingo loute na Nwaphongo,

emba moto munsɔ okozingye

abotama na Nwaphongo, aeba na Nwaphongo.

<sup>8</sup> Moto otozingye, taebe na Nwaphongo,

phɔ Nwaphongo ali lozingo.

<sup>9</sup> Kyeka ndengye eya wenene lozingo la

Nwaphongo onte ya banga:

Nwaphongo atoma Nwana we nde monomo o mokyisi,

pho ya obokye tobe na bomoo pho ye.

<sup>10</sup> Kyeka boli lozingo:

Teli banga bazinga Nwaphongo,

eli nde yo owa lozinga

na owa toma Nwana we ndokolo mbeka pho ya masumu ma banga.

<sup>11</sup> Babi na nga ba lozingo,

bo Nwaphongo alozinga babona,

na banga tosengyesi izingana banga na banga.

<sup>12</sup> Nwaphongo, na moto monomo taika mowene.

Bo tozingane banga na banga,

Nwaphongo ali onte ya banga,

emba lozingo le onte ya banga lowene.

<sup>13</sup> Na bobo toebe obokye:

Toli onte ye, ne ali onte ya banga.

Alophe Bolobo phe.

<sup>14</sup> Emba banga, towo pho tomowene,

obokye Tata atoma Nwana we ndokolo Mobikye wa mokyisi.

<sup>15</sup> Moto munsu okowo obokye Yesu ali Nwana wa Nwaphongo,

Nwaphongo ali onte ye, ne ali onte ya Nwaphongo.

<sup>16</sup> Emba banga, toebe pho toanola,

lozingo loweninya Nwaphongo onte ya banga.

Nwaphongo ali lozingo:

Moto ooli na lozingo

ali onte ya Nwaphongo, Nwaphongo ne ali onte ye.

<sup>17</sup> Na bomu, lozingo onte ya banga lowene,

obokye tolokoyi ilota mokolo nwa mosambisa  
 bée mokyisi,

pho boli yo,

na banga me, nde boli banga o mokyisi mumu.

<sup>18</sup> Onte ya lozingo tewali ilota,

kasi lakolo lozingo lomanya ilota,

pho ilota kabangye etumbu,

emba moto okolote tali na lakolo lozingo.

<sup>19</sup> Banga, tozingye,

pho yo moto wa o boo wa ilozinga.

<sup>20</sup> Bo moto monomo kawo obokye: «Nazingye

Nwaphongo», bibi kaine nwebi ne,

ali moto wa boole.

Pho moto otozingye nwebi ne okowene yo,

takoyi izinga Nwaphongo otowene yo.

<sup>21</sup> Emba kyeka mibeko nwaalophe yo:

Moto okozingye Nwaphongo,

azingye na nwebi ne me.

## 5

*Ianola Nwana wa Nwaphongo eli sina ya lozingo*

<sup>1</sup> Moto munsu okoanole obokye Yesu ali Klisto ali nwana wa Nwaphongo.

Emba moto munsu okozingye Nwaphongo, kazingye na bana ba Nwaphongo.

<sup>2</sup> Na babona toebe obokye tozingye bana ba Nwaphongo,

bo tozingye Nwaphongo tombe na kyelela mibeko me.

<sup>3</sup> Pho izinga Nwaphongo eli bobo:

Ikumola mibeko me.

Emba mibeko me temili ephesi,

4 pho ηwana wa Nwaphongo munso ali molongyi wa mokyisi.

Emba elonga eya longa mokyisi, eli ianola sa banga.

5 Molongyi wa mokyisi nza, bo teebe nde moto owaanola obokye Yesu ali Nwana wa Nwaphongo?

6 Eli yo owa ya na nzela ya maa na ya malongo, Yesu Klisto.

Taika ya nde na maa boβeε, kasi aya na ná maa na ná malongo.

Eli Bolobo okoimole, pho Bolobo ali pheε.

7 Baimole bali βée baato,

8 Bolobo, maa na malongo.

Emba βée baso baato bawo nde munoko monomo βekye:

9 Bo toanole munoko ηwa bato, munoko ηwaka Nwaphongo molekyi bonene, pho munoko ηwa Nwaphongo ηwango mumu: Awɔ pho ya Nwana wε.

10 Okoanole Nwana wa Nwaphongo ali na munoko me onte ye.

Otoanole Nwaphongo kamobuya moto wa boole, pho taanole munoko ηwaa wo Nwaphongo pho ya Nwana wε.

11 Emba kyeka munoko me:

Nwaphongo alophe bomoo pha boβeε, emba bomoo me boli onte ya Nwana wε.

12 Oli na Nwana ali na bomoo, otoli na Nwana wa Nwaphongo, tali na bomoo.

*Maloba ma suka*

13 Naekomesi maphoᵛ maso mamana  
pho oebe obokye oli na bomᵛ pha bobele,  
b̄eε bali na ianola o nkombo ya Nwana wa  
Nwaphongo.

14 Kyekya lowᵛ lokyele obokye banga salota o  
boo phe:

Bo tomoongye ekpele yᵛᵛᵛᵛᵛᵛ bookozye yo,  
kalookye.

15 Emba okoebe banga obokye kalookye  
waamoongye banga,  
toebe obokye tozwe imoongye banga.

16 Bo moto mᵛᵛᵛᵛᵛᵛ kawene nwebi ne kakyele  
isumu,

isumu site sikambe moto me o iwa,  
abᵛᵛᵛᵛᵛᵛ, emba Nwaphongo amophe moto  
okokyele isumu mᵛᵛᵛᵛᵛᵛ,

bo isumu me sikyesi yo tesikambe o iwa phele.

Wali isumu sikambe o iwa:

Teli pho ya sango ekyewᵛ nga obokye obᵛᵛᵛᵛᵛᵛ.

17 Bobe bosᵛ boli isumu.

Kasi masumu maso temaakambe o iwa.

18 Toebe obokye moto munsᵛ oli nwana wa  
waphongo takule kyela isumu,

pho Nwana wa Nwaphongo kamobanza,  
emba Moto mobe tali na makokyi mi yo.

19 Toebe obokye toli baaka Nwaphongo,  
kasi mokyisi munsᵛ mokyimele o se ya bokonzi  
pha Moto mobe.

20 Toebe obokye Nwana wa Nwaphongo aya  
amba na lophe mayele  
pho ya iyeba Owa phele.

Emba toli baaka Owa phεε, onte ya Nwana we  
Yesu Klisto.  
Iyo ali Owa phεε, ali Nwaphongo, ali na bomoo  
pha bobεε.

<sup>21</sup> Bana ba nga,  
kyeba na bikyeko.



## **Sangola Eenyakune**

### **Lobala: Sangola Eenyakune New Testament**

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source files dated 29 Jan 2022

45dc5a8e-f513-5ba3-aad6-e48bd1d5b563